

In memoriam di Betto Croes



Un di e directivanan di A.T.T.A. cu Betto a forma parti.

Cu e fayecimento di Betto Croes, e mundo di e deporte di ping pong a perde su baluarte

mas grandi di pasado.

For di alrededor di aña 1960 te cu 1985 Betto tabata e motor tras di e deporte di ping pong y casi henter e periodo ey e tabata e presidente di Aruba Table Tennis Association (ATTA).

Como cu no ta semper el a haya e cooperacion necesario, na varios ocasion su so tabata pará dilanti di organisacion di un evenemento. Si no tabata pa su perseverancia y su amor pa e



Betto Croes na Asian-African- Latin American torneo di ping pong.

deporte, hopi actividad lo no a tuma lugar den pasado.

Localmente el a dedica su tempo na organisa torneonan pa juventud, torneonan interscolar conhuntamente cu Gobierno y campeonato entre clubnan. Hopi di nos actual hungadornan adulto a inicia nan carera bao di guia di Betto. Su contactonan internacional tabata hopi bon. El a atrae trainernan for di exterior, manera Ellen Kort for di Hulanda (1969) y Jeno Uljaki for di Hungria (1972).

Betto a logra pa Aruba a participa na hopi evenemento internacional.

El a zorg pa anualmente Aruba a participa na weganan di Caribe y weganan Latino Americano. Entre otro nos hungadornan a biaha pa Trinidad, Jamaica, Barbados,

Guyana, Venezuela, Cuba y Santo Domingo.

Betto su dedicacion a trece cu ne cu na aña 1973 Aruba mes tabata e sede di e weganan di Caribe. Nos por corda e exito rotundo di e weganan aki den sporthall na Santa Cruz.

Bao guia di Betto, Aruba su hungadornan a participa te hasta na Weganan di triple A na China (1973), y na Africa (Nigeria). Triple A ta e weganan

entre tres continentenan Asia, Africa y America Latino.

Asina nos lo por sigui menciona evenementonan di ping pong cu tabata tin den pasado gracias na e dedicacion di Betto.

Betto A Marca Historia Di Ping Pong Na Aruba !!
Cu alma di nos amigo sosega na paz.

Directiva di A.T.T.A.